



Broj: 13-11-4-4756/25
Sarajevo, 16.06.2025. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku roba „Nabavka podnih obloga“, po provedenom postupku javne nabavke putem konkurentskog zahtjeva za dostavu ponuda izabran je slijedeći ponuđač:

COSPEX d.o.o. Zenica
sa ukupnom cijenom od 17.197,83 KM
(sedamnaest hiljadastotinudevedesetsedam i 83/100 konvertibilnih maraka) sa PDV-om.

II

Za izvršenje ove Odluke zadužuje se Služba za zajedničke poslove.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem konkurentskog zahtjeva za dostavu ponuda, a pokrenut je na osnovu Odluke Općinske načelnice broj: 13-11-4-4756/25 od 16.05.2025. godine.

Procijenjena vrijednost javne nabavke sa PDV-om je: 20.000,00 KM (slovima: dvadeset hiljada i 00/100 konvertibilnih maraka).

Obavještenje o javnoj nabavci broj: 935-1-3-64-3-134/25 objavljeno je na Portalu javnih nabavki dana 30.04.2025. godine.

Komisija za javnu nabavku roba, radova i usluga je imenovana Rješenjem Općinske načelnice broj: 01-11-4-1272/25 od 06.02.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 05.06.2025. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	COSPEX d.o.o. Zenica	19.890,00 KM
2.	INTER-COM d.o.o. Zenica	19.960,20 KM
3.	JAR-DESIGN d.o.o. Sarajevo	19.890,00 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponude ponuđača COSPEX d.o.o. Zenica i INTER-COM d.o.o. Zenica su **prihvatljive** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača JAR-DESIGN d.o.o. Sarajevo Komisija je ocijenila kao **nepravilnu** iz sljedećih razloga:

Tenderskom dokumentacijom u tački 8.8.1. navodi se: „*Ponude moraju važiti 90 (devedeset) dana, računajući od isteka roka za podnošenje ponuda*“, nadalje u tački 8.8.2. navodi se: „*Period važenja ne može biti kraći od roka navedenog u tenderskoj dokumentaciji.*“.

Također članom 60. stav (1) Zakona o javnim nabavkama navodi se: „*Period važenja ponude određuje ugovorni organ u tenderskoj dokumentaciji. Period važenja ne može biti kraći od roka navedenog u tenderskoj dokumentaciji, ali ugovorni organ ne može da utvrdi rok kraći od 30 dana*“.

Ponuđač JAR-DESIGN d.o.o. Sarajevo je u sklopu svoje ponude unutar tačke 4. Obrasca za ponudu naveo da dostavljena ponuda važi 10 (deset) dana od dana isteka roka za dostavljanje ponude, što nije u skladu sa zahtjevima iz tenderske dokumentacije, te ispod minimalnog zakonom propisanog roka važenja ponuda.

Nadalje, članom 58. Zakona navodi se: „*Ponuda mora biti čvrsto uvezana i sve strane ponude numerisane (izuzev dokaza o garanciji iz stava (1) tačke b) ovog člana, te štampane literature, brošura, kataloga i sl.)*“, dok je tačkom 8.1.12. tenderske dokumentacije definisano da ukoliko ponuda ne bude čvrsto uvezana i numerisana na gore navedeni način, da će se ista smatrati neprihvatljivom i bit će odbačena iz daljeg postupka nabavke.

Ponuđač JAR-DESIGN d.o.o. Sarajevo je dostavio ponudu koja nije numerisana na navedeni način, te kao takva je neprihvatljiva.

Nadalje, tenderskom dokumentacijom u tački 7.4.1. a) zahtijevano je sljedeće: „*U potvrdama mora biti jasno iskazano da su uspješno realizovani ugovori odnosili na nabavku i ugradnju podnih obloga, u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, u protivnom ugovorni organ potvrde neće prihvatiti i ponuda će se odbaciti kao nepotpuna. Potvrda o izvršenom ugovoru obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, te navode o uredno izvršenim ugovorima.*“

Ponuđač JAR-DESIGN d.o.o. Sarajevo dostavio je Potvrdu o uredno izvršenom ugovoru izdatu dana 04.06.2025. godine, od strane firme ZEOS EKO-SISTEM d.o.o. Sarajevo, unutar koje nije vidljiva vrijednost

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



realizovanog ugovora, iako je članom 48. stav 3) Zakona o javnim nabavkama, kao i tenderskom dokumentacijom jasno definisano da ista mora sadržavati navedeno.

Iz naprijed navedenih razloga, ponuda ponuđača JAR-DESIGN d.o.o. Sarajevo se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	COSPEX d.o.o. Zenica	19.890,00 KM
2.	INTER-COM d.o.o. Zenica	19.960,20 KM

Ponude ponuđača COSPEX d.o.o. Zenica i INTER-COM d.o.o. Zenica su unesene u sistem e-nabavki i zakazana je e-aukcija, koja je održana dana 12.06.2025. godine s početkom u 09:30 sati, i koja je trajala 22 (dvadesetdvije) minute.

Ugovorni organ je od Agencije za javne nabavke zaprimio Izvještaj o toku i završetku e-aukcije i shodno kojoj je ponuđač COSPEX d.o.o. Zenica ponudio najnižu cijenu koja iznosi 14.699,00 KM (slovima: četrnaesthiljadašeststotinašesetdeset i 00/100 konvertibilnih maraka) bez PDV-a.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

R. Br.	Naziv i sjedište ponuđača	Ukupna ponuđena cijena bez PDV-a	Ukupna ponuđena cijena sa PDV-om	Procentualno umanjene cijene nakon provedene e-aukcije*
1.	COSPEX d.o.o. Zenica	14.699,00 KM	17.197,83 KM	13,54 %
2.	INTER-COM d.o.o. Zenica	14.700,00 KM	17.199,00 KM	13,83 %

* Označava približnu vrijednost procentualnog umanjivanja nakon zaokruživanja na dvije decimale.

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana 64. stav (1) tačka b) Zakona o javnim nabavkama donese odluku o izboru najpovoljnijeg ponuđača, te da se ponuđaču COSPEX d.o.o. Zenica dodijeli Ugovor, čija ponuda je ocijenjena kao najpovoljnija, na osnovu kriterija najniže cijene, a po provedenoj e-aukciji, u ukupnom iznosu ponude od 17.197,83 KM (sedamnaesthiljadastotinudevedesetsedam i 83/100 konvertibilnih maraka) sa PDV-om.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **5 (pet) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000


Depozitni račun 1411965320011288 Bosna Bank International d.d.



i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).

OPĆINSKA NAČELNICA

Prof. dr. Benjamina Karić



DOSTAVLJENO:

- COSPEX d.o.o. Zenica
- INTER-COM d.o.o. Zenica
- JAR-DESIGN d.o.o. Sarajevo

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

